

靈寶度人上經大法卷之二十五

生五

靈寶无量度人上經大法卷之二十五

主五

內朝三景品

玄師曰修行大法未能洞達天真威化下  
被魔試交攻神祇不欽所召不感當內朝  
三景飛仙分形之道於辰戌丑未時朝存  
心中中元司命神字玄堅中極大君也下  
在脾中脾爲玉堂宮一曰玉房是太一君  
偃息之所也主養兆一身之形質於此四  
時叩齒五通存脾中有黃炁滿脾脾上有  
一真人如初生小兒黃衣冠呼之曰中極

玄堅太一真君某欲得真人神仙黃庭之  
道五呼之因眠瞑目五十息念之此中央  
司命神丈人下化太一帝君乃九天生神  
之父也治太極宮知者形不入地獄玉童  
玉女侍之役使萬神常以寅卯午申時朝

生五

上元太一神君號南極老人下在太一宮  
中主兆魂魄胞神命炁胎府之父也於此  
四時叩齒九通存頭上直入一寸名太極  
宮一號太一宮有赤黃炁滿宮炁中有真  
人如童子之狀衣絳衣呼之曰南極元老

太一真君某欲得神丹長生不死之道九  
呼之因眠瞑目念之九十息止修之者延  
年不死可變化神仙滅魔試致真仙常以  
子酉巳亥時朝下元玄道母下在雙合宮  
中腎為雙對上南極故號北極主兆精炁

生死符籍之母也於此四時叩齒四通存  
腎間有白炁炁中有神龜龜上有玄女青  
白衣如初生小女子左有司錄君白衣天  
官右有司命君青衣天官呼之曰下元元  
神北極玄道母字玄妙某欲得金醴玉漿

可飲食者乞教司錄司命削其死籍更注  
長生役六丁玉女坐致行厨四呼之因眠  
瞑目念之四十息止以時不廢日月久行  
應感无窮九年補太極仙卿一年便有髻  
鬋役靈使神所欲无不應心常行勿妄獨  
慎其口克日成仙乃洞玄三皇帝君所行  
實靈寶之密機亦盟天告師而行之

生五

二

### 靈寶默朝煉頂章

每日寅午戌三時入靖两手玉清訣存身  
為白鶴仙人法存天門開有一白鶴而至

次存身乘白鶴飄飄直至三天之上見元  
始頂放九色金光灌注入我頂中想已身  
萬竅流光遍照十方世界畢然後再乘白  
鶴復迴本治乃受元始之靈寶祕玄至訣  
如有啓告即俯伏玉墀而奏拜章亦如上

### 法

未想之前先以訣煉其頂通其天門然後  
變神訣曰

金吒金吒大力救

煉頂訣  
左手

此乃元始親授妙行真人天真皇人昇舉

之口訣不可輕露

皇人曰夫靈寶之道甚明而易曉甚要而至當得其人而受持何慮无萬神欽奉昇舉可期者哉

受持策杖品

生五

三

皇人曰靈寶之道有神通策杖以威六天鬼神以策使三界萬靈

就名山洞天福地靖廬玄壇之所以吉日採甘竹一根長六尺可十二節自上第三節左右各一曲於曲凹中上刊日月下作

斗形於頂中開一穴納中央守吏符第二  
節下開四穴納四方守吏符以蠟封灑記  
其四方第三節下刊十方靈寶億劫應化  
天尊自初一日爲始依十直日持呪取五  
方炁面五方誦訖以炁吹每夜存思一年  
炁足方可施用用之之法當叩齒三十六  
通思五帝直符吏各一人隨方色各有五  
色之光流煥杖上五帝玉女各一人令侍  
衛杖左右呪曰


太陽之山元始上精開天張地甘竹通靈



直符守吏 部衛神兵 五色流煥 朱衣金纓  
輔翼上真 出幽入冥 招天天恭 攝地地迎  
指鬼鬼滅 妖魔束形 靈符神杖 威制百方  
與我俱成 與我俱生 萬劫之後 以代我形  
制爲五解 神昇上清 承符告命 靡不敬聽

呪畢引五方炁三十六嚙止以杖指天天  
神設禮指地地神司迎指東北方萬鬼束  
形指破地獄亡魂返生以指災厄應指崩  
傾五解之道乃五行真炁奪北斗之權衡  
脫離死厄尸解得道神昇上清

東方守吏符




東方九人

青書黑上

生五

南方守吏符




南方三人

丹書青上

四

西方守吏符



西方七人

白書東上


北方守吏符



北方五人

黑書白上

中央守吏符



中央十二人

黃書赤上

生五

五

隱跡五解品

玄師曰青城山月波谿龍門遇丈人同謁

真候先生密傳授五脫之法不得輕泄亂

傳非禮不道之人如神藏滅脫凡超俗彼

莫見其形是謂隱身之法五脫者金木水

火土也是謂受天地陰陽之炁達天地造化之機盜陰陽運炁之節日用頻行凡求大道未逃生死謂值元辰之厄難災曜來臨魔難奉於真昧脫死生日限之時當妙用此法神聖難言

### 金解

遇庚子日取多年古銕鐵一十二兩打作尺一條於淨室內嚴淨身體自於初更向牀前去一丈二尺地放下尺在地上候至子時初先潔淨喫乳香腦子水一盞叩齒

二十四通想尺如自己形貌不令自耳聞  
默誦靈呪七遍念了拈尺於氈席下勿令  
人見如此想四十九日滿後用時白絲牽  
子一條繫在尺上急投下便走不得迴顧  
返視念呪時更用腦子乳香水噴之尺上  
念呪取旺方炁七口在尺上後四法做此

呪曰

三台生我傳法三台護我升仙通風去尺斷  
應當我復形本元急急如魁魁魘魁魘魘魘

律令

木解

遇甲子日取紅落梨枝一條如自己長臨  
用日潔淨身體並如上法四十九日足臨  
時放在地上不得回顧仰觀天日而去不  
得顧形呪曰

生五

六

枝波畫烏魚波畫咖哪波畫三台生身畫此  
日生身度道七七功德上升千變萬化潛身  
上清杖化我身急急如魁魁魘魘魘魘魘律  
令

水解

壬子日取大龜殼一箇重一觔法度行四  
十九日足臨用日如逢大水或橋上船上  
便將龜放去水中不得返顧呪曰  
靈殼散炁入吾杖中吾有大道與俗不同出  
日入月驅虎逐龍去代我化泉脉相通急急  
如魁魁魘魁魘魘律令

火解

丙子日夜取雀一隻雄者用小籠子盛法  
度同前但餵飼在頭邊安頓用水喫之取  
炁吹炁如前法四十九日足度雀在手中



臨用時緋線一條繫雀頭上雀死收之懷  
中見大火處擲雀入火中便去不得返顧

呪曰

朱雀居吾前吾握造化權三台護我命五帝  
注生金支波鳥神火化仙令吾性神兩全急

急如魁魁魘魁魘魘魘律令

生五

七

土解

戊子日取自己鞋一隻用法如前四十九  
日足臨用時取黃線一條繫在鞋子上擲  
在地上不得返顧呪曰

元始黃龍旺在四時中宮正位權首施機主  
判土司吾奉帝勅汝今代吾以假吾權數執  
十八戊己之期急急如魁魁魘魘魘魘魘律  
令

神眇諸天品

玄師曰兆欲觀三十二天先當備修諸行  
然後發大願用諸心次存思靜定乃可獲  
見兆先從散心入次即發願我今觀諸天  
帝普願三界十方舍靈滯爽四生六道名  
上諸天同我魂神上朝帝宅豐都苦趣塵

劫沉魂及我億曾萬祖俱超冥昧迴出苦  
輪同我魂神超登聖果遠諸五濁逍遙道  
境普天萬國一切生靈消諸惡業拔諸衆  
罪離諸苦惱得爲法身十相具足常遊諸  
天說法教化開悟群迷紹續聖種通十聖  
道我今肉身有形之跡神升三天得傳祖  
師元始上帝授靈寶大法遊翫諸天萬劫  
長存今生來世常居福境七寶具足園林  
屋宅妻奴子女一切朋友與我觀心布施  
十方三界象馬珍寶車輿衣服飲食卧具

常當布施並无恠惜水斷造橋路邊立井  
度諸行人救諸飢渴葬埋六畜飛禽屍骸  
皆得安穩无令暴露三光發誓願修善行  
已入於存思不急即當靜定然後燒諸名  
香先觀青霄雲路扶搖羊角而上壘壘冲

生五

八

高壘壘上至天界次觀天帝所在北當存  
其天界廣博嚴好香炁常氛无有雜穢其  
天帝君乘八景玉輦三素飛雲瓊輪羽蓋  
五色華光龍麟虎豹獅子白鶴嘯歌邕邕  
其地皆薦以黃金四邊階道並用白玉七

寶珠珍光明煥耀天帝披離羅之帔冠百  
寶天冠左右侍從悉皆飛天真人身有光  
明耀翳日月其諸鼓樂絃歌洞簫並發人  
民熾盛无天年之子无叫號之聲彼諸天  
宮亦有劔樹其條不搖見諸天衆无鞅无  
數有自然飲食種類豐盈味流下土其諸  
天有寶樹金池五色光耀紫林微風枝葉  
相觸自成妙音彼諸天宮並以衆寶合成  
其天帝端然居之彼諸天光朗徹九幽天  
帝以善妙法普度天人其諸天人聞法讚

善帝君玉案之上有赤書玉字招集群仙  
有黃籙簡文普度幽冥兆每日存思已形  
法服羽衣乘九色之雲詣一天之中隨其  
天中仙官列班朝禮而退遇三元八節日  
隨班上朝諸天預諸法會坐於劫刃寶臺

生二

其臺如圓壇層層不計其數仰觀上

九

說

法久久純熟定中目成夢寐忘形之時神  
飛道境目觀見天帝說法耳聞天帝聖語  
及仙樂簫韶笙簧之音當此之時陽神已  
結能朝諸天然後可觀三天此行神觀諸

天先當齋戒沐浴當詠天中空洞自然靈  
章先滿三百遍次及七百遍亘一千遍然  
後方可行之舉念則神飛萬里意動則玄  
應十方一年之後陽神不遊於塵世常居  
諸天小則七年大則九年必得超出塵世

上生諸天欲界之天猶有烝化生元色界  
於九品蓮花而成形若夢寐之間見青碧  
白蓮有以道之漸也進道則蓮花開苞道  
廢則含蓮不開罪愆則蓮花凋謝

靈寶无量度人上經大法卷之二十五



